БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъвони кўрмасдан қолдириш ҳақида)

Боғот тумани

2024 йил 13 апрель

судья: Б. Убайдуллаев

Боғот туманлараро иқтисодий суди судьяси Б.С.Убайдуллаевнинг раислигида, судья ёрдамчиси У.Зариповнинг котиблигида, жавобгар вакили Х.Қутлимуратова (ишончномага асосан) иштирокида, Хива туман фермер, деҳқон хўжаликлари ва томоқа ер эгалари кенгаши даъвогар "Умрбек Динара" фермер хўжалиги манфаатида жавобгар Khiva Cluster масъулияти чекланган жамиятидан 148 847 145 сўм асосий қарз, 27387 874 сўм пеня, жами 175 235 019 сўм ундириш тўгрисидаги даъво аризаси бўйича ишни Боғот туманлараро иқтисодий суди биносида очиқ суд мажлиси муҳокамасида кўриб чиқиб, қуйидагиларни

аниклади:

Хива туман фермер, деҳқон ҳўжаликлари ва томоқа ер эгалари кенгаши (бундан буён матнда кенгаш деб юритилади) даъвогар "Умрбек Динара" фермер ҳўжалиги (бундан буён матнда даъвогар деб юритилади) манфаатида жавобгар Khiva Cluster масъулияти чекланган жамиятидан (бундан буён матнда жавобгар деб юритилади) 148 847 145 сўм асосий қарз, 27387 874 сўм пеня, жами 175 235 019 сўм ундиришни сўраган.

Суд мажлисида иштирок қилган жавобгар вакили иш ҳолатлари юзасидан тушунтириш бериб, низо юзасидан тарафлар ўртасида медиатив келишув тузилганлигини маълум қилди.

Кенгаш ва даъвогар тегишли тартибда суд мажлиси вақти ва жойи тўғрисида хабардор қилинган бўлса-да, суд мажлисига улар вакилларининг иштирокини таъминламади.

Бундай ҳолда суд ишни Ўзбекистон Республикасининг Иқтисодий процессуал кодекси (бундан буён матнда ИПК деб юритилади) 128, 129, 170-моддасига асосан кенгаш ва даъвогар вакилларининг иштирокисиз кўриб чиқишни лозим деб ҳисоблайди.

Суд ишда иш хужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Ўзбекистон Республикасининг "Медиация тўтрисида"ги Қонуни 29-моддасининг биринчи қисмига кўра, медиация тартиб-таомилини амалга ошириш натижалари бўйича тарафлар келиб чиққан низо ёхуд мажбуриятларни бажариш шартлари ва муддатлари хусусида ўзаро мақбул қарорга эришган тақдирда, тарафлар ўртасида ёзма шаклда медиатив келишув тузилади.

Шунга кўра, тарафлар ўртасида 2024 йил 1 апрелдаги тузилган медиатив келишувнинг шартларига кўра, жавобгар асосий қарзни тўлов графиги асосида 148 847 145 сўм асосий қарзини 2024 йил 20 майгача тўлаб беришни ўз зиммасига олган, даъвогар эса даъво талабидаги 27 387 874 сўм пеня ва 34 000 сўм почта харажатидан воз кечган.

ИПК 107-моддасининг биринчи қисми 5^3 -бандига кўра, тарафлар ўртасида медиатив келишув тузилган бўлса, суд даъвони кўрмасдан қолдиради.

ИПКнинг 131-моддасига кўра, тарафлар низони келишув битимини ёки медиатив келишувни тузиб хал этиши мумкин. Келишув битими ёки медиатив келишув даъво тартибидаги хар кандай иш бўйича тузилиши мумкин. Келишув битими иктисодий суд ишларини юритишнинг хар кандай боскичида ва суд хужжатини ижро этиш жараёнида, медиатив келишув эса биринчи инстанция судида суд алохида хонага (маслахатхонага) суд хужжатини кабул килиш учун чиккунига кадар тарафлар томонидан тузилиши мумкин.

Келишув битими у суд томонидан тасдикланганидан кейин тузилган хисобланади.

Тарафлар томонидан нопрофессионал медиатор Рахматуллаев Акрамжон Эркинович кўмагида медиатив келишув тузилган.

Шунга асосан, суд тарафлар ўртасида медиатив келишув тузилганлиги сабабли, даъвони кўрмасдан қолдиришни лозим деб топади.

Ўзбекистон Республикасининг "Давлат божи тўғрисида"ги Қонуни 18-моддаси биринчи қисми 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши белгиланган.

Юқоридагиларни инобатга олиб, суд даъвони кўрмасдан қолдиришни, давлат божини ундирмасдан қолдиришни, почта харажатини даъвогар зиммасида қолдиришни лозим топади.

Юқоридагиларга асосан ва Ўзбекистон Республикасининг Иқтисодий процессуал кодексининг 107, 118, 131 ва 195-моддаларини қўллаб, суд

ажрим килди:

Хива туман фермер, деҳқон ҳужаликлари ва томоқа ер эгалари кенгашининг даъво аризаси курмасдан қолдирилсин.

Почта харажати Хива туман фермер,деҳқон хўжаликлари ва томоқа ер эгалари кенгашининг зиммасида қолдирилсин.

Давлат божи ундирилмасдан қолдирилсин.

Мазкур ажрим устидан апелляция тартибида шикоят бериш (протест келтириш) мумкин.

Судья



Б.Убайдуллаев